

存

悔

齋

集

存悔齋集卷五

臣劉鳳詒

經進文

恩獎進呈頌冊並蒙

諭改正字體恭謝奏狀

乾隆五十五年十月二十一日大學士王杰傳

旨召詣

宮門蒙

發下臣撰進九有九如篇頌冊恭宣

恩諭褒獎冊內駮驕驕字奉

敕改寫鞫字仍令登復繳進臣新進穉愚跪聆感悚幸遵

耄齡之盛典竊臚匝宇之歡悰欽

帝德之難名荷

天光之下照

衰以辭工染翰許竊解于方言

訓以書本諧聲須講求夫正體

指詢所及膺服不勝迴思里塾猶尊一字之師增長童蒙待祝  
九旬之聖謹遵改恭繳泥首叩謝伏祈

恩鑒

恩賜千叟宴禮成恭謝摺

欽惟

太上皇帝陛下

德懋健行

福崇來備

泰元迴斡積天地悠久之誠

化寓均覃亘日月升恆之曜洪膺

昊貺貞符環百廿之齡溥鬯春祺吉筴萃初元之慶曰若伊耆  
咨岳之歲聿先姬武受範之年丙炳萬禩以爲期辰振八埏而  
成美

聖合德合明合序撰汁大光

乾爲天爲父爲君象連同體汜布寰瀛之喜榮昭溫旭之華沕  
穆借遊龐視香集竊以

天龡疇育萬彙于焉受成

皇極斂時庶民惟厥敷錫

仁無不愛協人多壽穀之徵

恩本于

勤擴吾同胞與之量是以飴承

祖澤邇寅年壽謙之

豫觀

綸播國祥竄已歲耆筵之載舉惟景

堯治馨香之舊爰補虞冊稟飲之遺其時

祚當五十叟甫三千來瞻

大圓之天胥登

常喜之世鼎鼎之春秋多益堂堂之甲子周巡總沐

孽培咸斟

醜懿

萬壽壽愷娛遊安

壽宇之寬

十全全昌禱用致

全人之福而以

椿長茂祜九九得天數以積贏

蘿席衍禧五五周

帝圖而復始

秉大經大法而勤無逸

篤丕承丕顯而敬日強同我太平行其典禮初辛肇建剛獻頌

于辛盤吉亥增書待論年于亥字四專仙莢甘涵瓊露之流六  
出祥花瑞應條風之律位占蒼宿衛雲路于東華人近紫微拱  
天闔于北斗清韶闌右允諧瓊釵之音玉篆鑪邊遞引丹霄之  
步筦其全不啻八千羨侶齒其最復來百六瀟民有慶  
皇春華殿登于會極維祺

壽考法宮象以攸寧閱廿載觀成之久金鏞接燈樹輝煌開  
億齡延喜之庥

寶篆儷

鴻文典重

位正中而初御

德太上以增崇香案祥陳瑀筵藻集杖差豆等舉台背兒齒之

倫鼓鼙舞軒結紺髮方瞳之會於時

恩敷敦葦導朱邸以趨階榮溢列槐引黃扉而膝席九官式序  
俾聯珮於月卿四岳守盪接擁旄之星使班行交綬逮專閫與  
分符宦譜曾登兼上封而未秩亦有三雍皓首經橫鼓篋之羣  
七校健身粟飽囊弓之日老親農事熟承僕問知畊勤習匠工  
夙效子來執役皆

元工之所長養宜民氣莫不恬愉熙春登臺燕笑飲酒句臚唱  
處溟益嶽祖之歡重譯宣時棧谷航瀛之遠矧嫺隸兒孫之輩  
暨藩封陪价之臣溟左占風交南稟朔覲年班于版納通貢旅  
於烏思

生成在天一統之中



吉祥迎春正月之首絳霄風度靄遲景以暄融

丹陛晨參挹

穆容之醴粹則見八珍殺錯品重芝栴百福尊罍醲齊醴益分  
上方之玉饌禹膳滋馨餐列鼎之璠腴鄙筵遜美飲醇得味普  
沾佛界醍醐舉七生香競裏仙家粃粒以引以翼者無算既醉  
既飽者攸同周四極咸拱

壽星疊一再欽

宸藻柄侔玉塵曲瓊符如意之名幹結花藤寶杖鏤延年之字  
貫星珠而成串百八圓勻代土圭以可量二六方唇揀絲凍縑  
光華九色扇鮮執篋承筐綺麗七裏組雜香盤規轉劑蘭麝以  
含芬瑤佩纓垂節瓊珩而結縵文房擅勝集四事以璘玢鏤刻

兼陳握三品而璀璨捧來

天上與民同益壽之籌

賜出人間是物悉殊常之寶更荷

問年逾百華顛加頂戴之榮是惟

錫宴因重康爵及頭銜之貴

尊親茂矩總昌符於三會九章

仁壽洪釐輯嘉綏而六通四闕

臣等忝逢

久道迭覩

上儀樂

德國以舒長庇

慈雲之布濩俯慚樗質回春涵

雨露之滋益切葵依贊化仰

乾坤之大感霑

恩飫儷堯漿舜榼以難名慶介

祐繇陋漢饗唐醑之失實臚九續于海會東西南北獻

壽祿太平丹穴大蒙空桐之人合萬口以山呼兆秭京垓祝

聖越赫胥尊盧驪連栗陸之紀

是年 光大夫以封秩預宴朝臣屬擬摺公謝附載 先大夫撰進紀 恩詩刻入千叟宴盛典

千叟宴紀

恩詩

臣 本寒門士江鄉食楚萍受

恩儕齒序誌感切心銘史館叨

封秩

臣以子鳳誥官翰林學士墨蒙

恩封

兒曹憶課經

特科逢六啟臚唱第三聽敢快泥金捷教依杖火熒文章期報國詩禮媿過庭就養娛華白勤官勗汗青拔茅邀

御試視草領詞廳勉以儒

臣

職奚堪學子型遽膺持節

命益戒濫竽聆薄采芹池秀借登桂岫馨全家

天祿飫昨歲使軺停

臣

子廣西學政代還臣借詣闕下復命日

恩旨垂詢臣年歲准預斯

宴聞

詔徵千叟希光祝

億齡當春朝

紫極垂老叩

彤廷鼎饌初嘗鬱瓊漿滿泛醺章身錦璀璨如意玉瓏玲拜

不中 卷之三  
賜歡無量賡歌

壽且寧自知矜寵至曷罄語言形晚遇甘回蔗新年瑞數冀願承

康爵屢珠斗朗弧星

御製詩五集告成恭進摺

欽惟我

皇上壽臻全祐

聖集大成

鈞軸運於一心

詞經垂於萬古自來臣工學子忻誦愜慕喁嚮殫思從未有幸  
邁

望九旬之

聖人徧讀六十年之

聖作進於

五集之富有美備而猶時出不窮昭示至於無極者也前之  
四集亦既薈三萬三千什而羸懸揭

慶霄流布瀛裔茲起甲辰洎乙卯彙輯

睿險復得八千八百首有奇臣等欽心快睹榮遇大觀莊誦詳  
求不啻循嶽陟而知刊尺無以揣穹巍探海藏而愧蠡勺無以  
測浩沔伏念久侍

禁廷預窺

丹稿當茲臚愉

昌會恒獲以近諦

元聲者發耳目解識所未融矢歌詠蹈舞於靡已有至願焉釋  
詩之名理服

聖之至教因以徵

福之大原所謂德音之音事若習聞而義皆創著也肇稽虞氏  
實始稱詩夔之命曰詩言志矣誠以帝王之志必篤於敬勤帝  
王之言必本於功德迺見互爲通貫之蘊矧逢

曼齡頤景錫羨衍禧此十二年中順乎

聖志以翕受萬祥者卽煥乎

聖言以函括萬有而且

飭承五代

耄念八徵重以

全功丕昭

純嘏大介凡茲

精神之所結撰藻采之所發皇莫不舉實匪夸考辭鮮復彼屬  
和逮於陪价句

賜切於遠藩見未見而聞未聞皆在今極盛希有之事則夫前  
之讀

四集而交欣乎

言出日新茲之讀

五集而益仰乎

志行天健洵化工之所爲自然而成爰以推遷迴斡而無二致



者歟繫傳曰天數五地數五五位相合以啟苞符洪範曰五建極五備福五建咸敘以宏錫保允足以光闡圖疇邕宣律度者已由斯而

論年驪陸

振美英咸每星紀一周輒哀

御詩一集具如前例普天慶葆茂乎煒乎三古迄今乾坤增耀以是爲

勅德之恒經

立言之崇軌其曷以加茲臣等監錄之餘竭慮鑽仰末罄名言

刑次

五集告成謹隨摺恭

進伏祈

聖鑒

臣

等曷勝懼忭欽服之至

恩授廣西學政恭謝摺

竊

臣

江右寒微葦門謫陋穉材通籍預唱第於句臚

恩館集賢幸讀書於中秘慶

萬年之介報頌九有以祝

釐獲達

睿觀渥邀珍

賜臚敷天之

盛典勉效成編讀圖水之全經更承校字昨歲欣逢

甄試蒙

恩擢越常階已愧僥逾時深兢惕茲復仰膺

簡命視學粵西

臣

仕版初登年格甫壯凡躬被之

異數皆感積於寸心敢不自矢慎勤勉加學習日圖長進冀答  
高深

恩補翰林院侍讀學士恭謝摺

竊

臣通籍單寒賦材禱昧由乾隆五十四年一甲三名進士授

職編修五十六年

大考洊陞學士服官九載感時積以涕零歸里三年學日荒而  
汗下茲邀

新命復畀原階名再忝夫冰銜

恩許依夫

香案方慙弱管史局分效編摩重顧舊巢吉士兼承課授臣惟  
有力圖進業藉報

鴻施念讀書務明體用敢驚虛聲思酬

知首在文章仰祈

睿訓

恩命兼署國子監祭酒恭謝摺

竊臣業本諸生學無寸進自叨釋褐敢忘肄業之加勤忝預簪  
毫未竭文章之末報問讀書而積愧揣效職以滋慚昨者

恩施逾格甫掄直閣之班茲焉時僕浹旬載荷園橋之

命聞而悚惴心益感銘伏念司成贊論說之官太學告成功之  
地槐陰春誦欣四門博士之與偕芹水香流佇

三捷好音之疊至臣惟慎襄校課敦勉學行不敢視承乏而稍疎庶仰副

作人之極盛

恩命充湖北正考官恭謝摺

竊臣學本疏蕪文無底蘊詞垣橐筆慙報稱之鮮能史局懷鉛每趨承而恐後茲膺

恩命典試楚闈際星雲糾縵之

昌期司衡何幸攬江漢朝宗之勝概搜網尤難矧臣初荷

簡掄易致目迷五色迴思佔畢敢忘燭跋三條臣謹叩頌

聖慈俯垂

訓誨俾凜遵循之矩冀符選造之程

恩授太常寺卿恭謝摺

竊臣自愧幹材未嘗更事鑾坡珥筆忝隨侍從之班璧水橫經  
新攝成均之席荷

鴻鈞之造就策駑鈍以兢慚迺者冰銜帶職邀

恩計一月之期

香案僉名考績報三年之最特邀

渥寵超擢清卿迴逾資格之恒實非夢想所及伏念奉常攸司  
典禮時蠲吉餼攷縣蕝以陳儀曙徹齋鐘獻鼎尊而  
受福臣惟勉勤學習敬效趨踰冀攬夙夜之寅交贊  
馨香之治

恩賞大緞恭謝摺

竊臣業本鈔胥職當染翰憶備書于少賤何曾目覩  
宸章叨給札於承明獲預手謄

御帙昨者分繕

味餘書室全集定本

序前朝偶一出閣爲殷鑒

述冲年屢會削橐之謙懷

元音播盛于藝林莊寫邀榮于史館藉得盥薇膏而百讀欽佩  
莫名豈期陳

芝檢以全函

賜縑徧逮跽擊繡段傳看青衿春衣朝遠矢終身服  
教之誠

吉輦郊旋縈昨歲依

光之戀袖香長在藻飾彌欣知寸絲皆被

聖慈願雙管恒摹

天大

恩命充山東正考官恭謝摺

竊臣學業多疎遭逢至幸年來遷擢皆

聖明優異之

恩日事編摩得文史闕尋之益愧寸進之鮮效欣大比之迭開  
昨甫從楚北言還茲又荷岱東于役

九重寵命豈徒

使節光華一再叨霑倍凜文衡矜重臣榮知溢分職忝掄才擷



是邦之多彥彙登魯國諸生稱

大典之作人聽奏鹿鳴三什

恩命陞授內閣學士兼禮部侍郎仍留山東學政任恭謝摺

竊臣一從通籍兩荷升階均非詞曹敘次之常實由

聖主施恩之渥願才庸而媿集誓感竭而奮生茲持節在外時

心依

象闕之旁迺賁

寵自天許身到鳳池之上名聞

親注官忝超遷圖報綦難撫衷增懼伏念

臣

甫屆四旬齒序輒

膺二品頭銜殊慙閣職之榮兼冒卿班之佐又復皇華留任仍

畀文軌司衡惟有勉魯鄒講學共諸生霑

雨化之醴曷克副

堯舜用人先使者作風聲之樹

平定教匪大功告成恭賀摺

欽惟我

皇上邛德重華

綏猷四達

肩仔鴻業殷繼志于

弓遺

手定太平疊集勲于戈止七年

爲政於天下五兵稟令于風行自

簡經臣頻宣鏡奏在

盛世有何劫數相小民孰罔悛心憫彼炷香斗米之窮終爲膏  
斧綴竿之醜人非草木敢逞蓮妖

天有雷霆盡消莽伏慶

紓懷于軍旅之事獲

全勝者仁義之師建橐必不復用兵縣魏而

示之以禮永除徵馬賦車之役長守耕田鑿井之安邪教說誓  
凜

王言

望捷詩虔孚

帝佑臣使節在身凱音到耳莫名媿盛聽

卷阿有喜之歌幸紀

績贏樂泮水獻功之頌欽

聖作而萬物睹首卦言戰義通

保素于三陽願經正則庶民興七篇閑邪

訓闡明倫于四術

恩命擢授兵部右侍郎恭謝摺

伏念臣麤習文辭未諳政要蒙

皇上於衆中拔擢屢次超遷挂名躋閣職之榮訓士勵儒生之  
素會莫充其見解徒虛冒于遭逢茲復欽荷

綸音

簡襄樞部貳卿率屬恐陳力就列之鮮能三省銷兵正和衆安  
民之

屢念懷異申于

聖訓勞

震警于官聯適聞

新命彌受

寵而若驚堅矢奮心敢自安于無用計還

朝尙需于瓜代實叩

闕愈切夫葵傾翹望

宸嚴曷勝寅惕

恩命轉補兵部左侍郎恭謝摺

臣  
跪讀

恩諭伏地悚惶

臣

自揣麤拙之材屢蒙

皇上加恩超擢至再至三閣學侍郎俱未履任甫及一月復荷轉階凡此逾格

生成誠不知何緣僥倖至此竊念臣服官以來所校者書籍所擬者詞章所叨冒者文枋片長既無足錄政事本屬未諳茲蒙特恩用至侍郎欽覩我

皇上諄誠臣下整飭部務之時臣具有天良素無習染彌感彌

懼惟思臣平日所誦讀者何書所欲圖報者何事益當勤勉習學小心謹凜斷不敢摸稜充位唯諾效尤以仰體我

皇上用人之難以稍竭微臣駑駘思奮之志臣現在錄送鄉試

辦理報滿事宜馳望

闕廷惟佇早一日回京早一日叩覲

天顏敬聆

聖訓不勝感激懇悃之至

恩命充

實錄館副總裁

召令馳驛回京恭謝摺

臣跪讀

恩旨感激叩頭伏思

臣

於嘉慶四年獲預恭修

高宗純皇帝實錄其時館規初定

臣

隨同總裁彭元瑞等敬慎

編輯未效涓埃六年蒙

特旨派充總纂官嗣卽奉

使來東閱今三載螳忱莫展疏曠爲慙茲荷

恩旨授爲副總裁俾令專司恭纂稿本併卽

召令回京

臣

遵將學政印信於十四日親交撫臣鐵保接收

臣

卽於十五日起程回京馳赴

行在恭復

恩命祇請

聖訓所有

臣

感悚下悃謹繕摺恭謝

天恩合將交印日期一併具

奏

恩命充

實錄館副總裁恭謝摺

伏念

臣

步塵祕館執業鈔胥守書法之謹嚴凜責成之重大焚



香載筆幸仰稟夫

睿裁量暑移輒勉其程於史職時奉

指譎三寫點畫無遺日欽

端覽兩編暑寒罔間每蒙

恩誨知儆惕而倍篤小心佇集

聖成盡美善而益勤衆手昨甫荷遷官之

命茲載襄領局之榮誠何能總其大綱懼未克副斯鉅任惟有

隨同諸館臣竭誠詳定歲事周完演

軒圖千五百帙昭垂奕禩以爲經注

堯典二萬餘言敬備

重華之稽古

恩命兼署戶部左侍郎恭謝摺

臣以懷鉛陋質餐素腐儒於錢穀實所不知矧輶軒尙然未返從政之資最淺

中旨先進於貳卿攝官之

命特優左席驟兼乎九府

溫綸至再寒士何修方

今軍儲河役交慶平成我

皇節用愛人彌隆休養

臣

身慚竊祿職忝代庖惟銘心倍切夫

感

恩敢署尾弗勤於習事

恩命署經筵講官恭謝摺

竊臣 佔畢功疎舊畬訓淺小聞竅繁愧承師說於專門

大化陶甄曲被

君恩於再造念補過無如補讀冀知事必本知書迴憶詞官逐  
隊曾依

講幄之光華豈期閣職兼銜載冒

經帷之寵命先春三日

宣綸肅

溫室之齋積悔十年抱牘守寒窗之素惟佇牙籤帙啟聆

御論而迪新知獲隨綵袖班行闕

聖學而欽

至教勤思致用敢希仰報於

鴻慈奮切，矻愚更矢殫心於蛾術。

恩命兼署戶部錢法堂事，恭謝摺。

竊臣材資至拙，經涉未深，科條旣百，無一諳卿佐。復兼當兩劇力，難驅策怯駑馬之服新轅。心罔範模，愧屑金之程大治。載聆申命，疊加

陶鑄之仁，俾準卯期，暫襄貨泉之役。獲稍知夫輪廓地，涌泉流

更卽事爲權衡官，嚴法守臣惟勉充庖代，增五內之鑄。

恩謹察府胥防一毫之作過。

恩命降補內閣學士，恭謝摺。

竊念臣書生寡識，部務初膺，緣銓例之未詳，誤彈章之入告。驚心待罪，眞解免無一辭破格。

施仁倖

生成於再造寬其應得之咎襁獲宥三策以後效之圖過期勿貳

恩予閣職崇責館書

訓垂深厚矜全荷

天地之慈感切顛蒙前滌矢冰淵之懼臣惟有時時猛省事事  
研求冀擴管牖之知稍副

陶鈞之化

恩命稽察中書科恭謝摺

竊臣習事最疎省躬多疚學原下士批宣敬奉夫

丹綸材不中書出入幸依於璣闥荷

優容於

天廣積媿惕以日深茲蒙

恩命稽察中書科事務啟

芝函而鄭重采溢封泥慎薇省之趨承虔司視草

恩命仍充文淵閣直閣事恭謝摺

竊臣圭竇寒生筦闕末學夙忝校讐之役過蒙

造就之仁退思彌懍勉脩書以副

睿裁倬直多榮幸批諾猶依

禁籞昨奉

新綸於聽講

文章可得而聞茲

掄秘閣以籤名典守俾循其舊如獲再遷之

寵加署頭銜願讀有用之書稍諳掌故臣惟勤事蒐研益知黽

奮仰庋藏於天一紀盛琅函省傳習於日三銘

恩黼座

駕幸翰林院禮成恭謝摺

欽惟我

皇上道執一中

福綏百順

右文致治蘿圖徵環甲之祥

念典崇儒蓬館應聚奎之瑞

翁同風以揚至教

敷實政而溥太平天下

化成日邊

恩重維翰苑處文學之士荷

綸音命將作之工藻新廣廈之萬間

寵蒞仲春之三日恭遯

乾行合撰乘九五位而啟文明忭逢

嘉會重光閱六十年而惇典禮先期進講樂聞

丹扆之敷言故事延英疊被玉堂之

異數臣久玷詞林濫膺使節五雲迓

輦莫隨鸞侶之翔隻日

宣麻每切鳳池之戀想見集賢院裏對



天顏有喜以賡歌願從內史班行仰

君舉必書而紀盛

恩賜味餘書室隨筆刊本恭謝摺

欽惟我

皇上道積日新

學敦時敏

含經得味殫三旬六歲之潛研

建極敷言粹五十二章之彝訓伏讀

味餘書室隨筆闡發性天之蘊昭宣政教之模於

御集外別爲一書自刊成時閱今九載茲復以

鴻文徧布遠踰帝範之觚編翠板新樵兼採臣瓚之駢注仰邀

頒賜榮增什襲之藏敬奉傳觀審效一辭之贊念微臣趨承服習長銘

訓誨于恩言與諸生講解切磋交頌

文章之壽世

恩命仍授兵部右侍郎恭謝摺

竊臣本由一介曾冒貳卿實從政之未嫻惟恥躬之不逮頭銜閣職感逾分以

優容頂禮

宸編幸專誠于蒐輯猶且遺忘過失煩

慈宥于再三無非

教誨成全策慎脩于終始茲者仰荷

新綸載遷舊秩風薰

虞陛識鷓侶之右行日贊夏官媿馬曹之重到臣惟有受

恩增惕知

拔擢非可倖邀敬事在公勉趨走畧無隕越冀裨塵露稍答  
雲天

恩命兼署吏部右侍郎恭謝摺

竊臣性資最拙識解未充凡

拔擢皆臣不敢望之

恩凡

訓誨皆臣所當勉之事榮深載筆曾莫竭于螳誠愧切濫竽更  
屢邀於

鴻造陟清班於武部方謹奉行賁

新命於銓曹俾兼學習五中自問何能佐官守以無訾一月以來不謂荷

天慈之疊被臣惟有知感知懼益慎益勤虛心學事敢疎循省於再三次髓銘

恩矢報

生成於萬一

恩命充經筵講官恭謝摺

竊臣學淺蒙求功疎時術習青箱之本業膺服有恒綴綵袖之末班頭銜曾署仰瞻

經幄得聞兩諭之

敷言敬捧

綸章又拜先春之

寵命惟

聖道因文而見行將睹

御集以騰權在儒臣執事爲榮何幸趨

講筵而肅聽邀

恩逾分誌感難名待鏘佩於鷓行效展書而鵠立

恩命調補吏部右侍郎恭謝摺

竊臣官資最淺吏事寡諳荷

鴻造之曲成綴鷓行而旅進備員卿佐

九重欽

誨育之施攝職銓衡半載昧科條之習方冀稍充其識見豈期  
特昇以遷階任重

恩深感滋懼集臣益當勉力講求殫心報稱惟揣分自慚逾分  
屢叨

聖主之簡掄在

知人乃能官人願副

帝廷之澄敘

恩命兼署兵部左侍郎恭謝摺

竊臣甫由武部改佐文銓勉供要職之專司實懼菲材之弗稱  
迺期未逾於五日

異命重申

恩再攝夫兩官樞曹兼任荷

鴻施於靡已殫駑力以從公臣不敢以慙時承乏稍弛趨走之勤并不敢以熟路駕輕少越馳驅之範

高宗實錄慶成

賜宴禮部併總裁官鞍馬銀幣衆官銀幣恭謝摺

竊惟虹文篆玉史成上應夫天苞石室謦觴道洽明彰夫帝饗挈蒼沮而效職炳象星雲追虛妣以贊圖表榮河雒一代之鴻章告備祥發珠囊萬年之瑋典重光慶臚紫陛令協時薰之養秩張廣醑之儀百禮雍容千官舞蹈欽惟

皇上德臺紹衣

政勤旰食

軒籙觀成於制作超繩契以稽元

堯敷煥著於文章規璿衡而汁曜方共篤寰中之慕聞見咸親  
迺誕敷

穹上之恩覆幬永戴忻  
受書之吉日溥錫類之

洪施宗盟捧牘以申虔朝芾趨班而入賀近連旗籍官加等敘  
之新下逮衲行士給半糧之飽睽茲館局重以

綸音首叨紫韉之榮推及薌葭之典賢良追祀感同切於淵源  
門系教忠序特遷於品秩

甄勞補過均邀吏議之滿

懋賞嘉勤



優予官銜之錫既酬

異數彌體羣情

竊從授簡以來慎爾夏函之速西岷奧讀別詞林纂藻之華東  
觀精讐軼畫省披芸之古尊

國書之體大疊展銀鈎著譯篆之文同勻裁竹筆錦綉黃赤絜  
一千八百帙之儲彩絢丹青匯二萬五千帛之富如衆水之朝  
廣海若繁星之統大園萃古來朝家籍錄無此鉅觀胥天下後  
世臣民奉爲

寶訓是由

睿思達孝本善繼善述之殷用能

彝教迪光著丕顯丕承之實

一心鑿契萬手鈔傳計糜八載之餐錢甫竟千牒之紙束茲復  
醲膏汜布嘉譙宏開悚何勞之可言荷無施之弗徧

命宗伯而主席人沃醍醐戒光祿以供庖具羅飴饌果珍懷核  
餌瑩屑瓊從一獻百拜之餘加匹幣雙銀之重視月支之俸料  
銚益朱提等身曳乎官袍香霏繡段虬文襴貴五色雲霞蟬翼  
紗輕千絲冰雪更以職承總輯

寵綏上駟之羈材策疲驅

賜選飛龍之廐益增慙于芻秣交致凜於轡銜乃至寫官下士  
吮墨麤工院吏末流掣鈴祗候並邀榮于捧篚齊沐  
澤于彈冠行付天卿注籍廣

帝廷鳳翽之祥聿懷仙鼎成丹誌

皇古龍攀之戀

臣

等普霑

加惠竊數曠逢坎深公餽報言指臂之微感馨私銘咸喻肌肤之浹惟有焚香申誦欽作肅作乂作哲作謀於作

聖願

高高在上以垂庥恒願

端冕寅觀括止敬止孝止慈止信於止

仁衍世世無疆而受福

恩加太子少保懇辭不允恭謝摺

竊臣家起蓬廬身依藜閣猥以庸材佔畢慶茲

盛際遭逢蒙

皇上恩加不次眷及至愚拔登卿貳之班畀領史裁之佐恪循

體例肅效編摩邇從開館以來逮今成書之日中間再膺使節  
前後七閱歲華與各總裁隨事參稽借諸纂修按期程課每胥  
鈔之偶誤時

賜寬容或讐校之未精多煩

指誨滌心齋而受簡虔頂禮以焚香寸忱之蠲戴無窮一代之

鴻章大備伏念

臣 曩沐

高宗純皇帝知遇之厚甫擢鼎魁超升學士人皆序遷而

臣 邀

特達人皆平進而

臣 荷

殊褒惟長感

天地恩慈未徧窺

聖神功德恭覩我

皇上性敦孝慕志篤紹聞稽

堯冊於

舜成稟

額書於

武受綜六十三年之

廣運蒼粹其中哀千八百帙之

大文

鑒觀在上屬以全函告蒞茂軌增隆溥

甄敘之稠施卻具文之辭免惟官保乃酬庸之典豈書生所敢

妄希矧部臣有議過之條在例事不當牽復何幸

獎逾常格

恩出

親裁錫臣以官階未到之寵榮加臣以福分難勝之異數既莫

迴於

成命仍

特憇以溫言僥冒如斯徬徨罔措臣惟有善承

德意殫黽勉於職司益謹操修戒滿盈於念慮顧頭銜而知重  
極儒臣三館之優崇銘心版以彌欽願

聖主萬年之法守

恩命充江南鄉試正考官恭謝摺

竊臣蠢愚真識舛陋無文叨塵科目之途詎稱鑑衡之寄幸親  
誨迪矢願學以未能浡荷

補作...  
簡掄慙授政而不達茲逢大比敬聽

重申避諸卿月之班

畀以使星之寵萃賢能之淵藪人才莫盛於江南被

聖化之陶甄文物實甲於天下臣素常心折多恐目迷望戴匡  
於

斗極欣邀名注

丹臺指吳會於雲間佇看祥凝珠榜惟有虛衷校試慎選得人  
焚香貢仙籍爲

國家登有用之材持節詠皇華借士子慶彙征之吉冀酬  
作育之深仁仰贊

文明之郅治

恩授浙江學政恭謝摺

臣恭聞

綸命叩望

闕廷倍切感兢倍增依戀伏念臣本無學識冒竊

寵榮所受者皆殊常之

恩所愧者乏文章之報平日跪聆

垂誨字字銘心惟有勉希長進茲於南闈典試遵

旨詳慎選掄正屆揭曉之期仰荷

異申稠疊除卽日馳赴新任循例具疏題報外竊思兩浙人文淵藪一切肅清考弊振起士風皆學政專責以臣愚陋屢叨

任使敢不益矢公勤惟臣習聞浙省學校整頓頗不易爲總賴



聖慈訓迪俾有遵循庶敬承

皇上教

臣

之言即可奉爲率先多士之準借之讀書砥行冀稍

酬

造就鴻施於萬一

恭報到任日期摺

臣

於江南關內恭聞

恩命

簡畀浙江學政發榜後卽經具摺奏謝

天恩旋由水路赴浙於九月二十一日行抵杭州省城二十二日准前學臣潘世恩移交

欽頒學政關防及一切文卷書籍前來

臣

當卽虔設香案望

闕叩頭接受任事伏念

臣疊荷

鴻慈濫司文枋深以不稱職爲懼且臣夙夜循思志奮而性質涉竊心誠而語言太直惟當隨時隨事恭體

聖訓自知謹慎自勉陶鎔期無負

皇上任用殊恩

造就至教

皇長孫生恭賀摺

欽惟

皇上恩洽龐鴻

德徵詒燕

錫康逢吉維疇先大衍之年

受祜作求姬籙闡本支之紀仰

誠周於保赤方迎

輦草以含薰聽

喜溢于宜孫蚤報仙桐之茁秀惟

帝庭之上瑞繞膝歡長應

壽宇之蕃釐懸弧耀疊

仁風長養藹承蘭浴之馨

愛日生成祥發颺縣之盛佇祝籌添億祜班一行舞綵之新遞

看牒展來臯介

五袞含飴之始臣等迹遠南邦心翹

北闕遙聞吉語頌

一家天地以增春願奉

怡顏卜

萬世子孫之篤慶

恩命賞復編修陳謝奏狀

竊某材原樗散業就蓬荒念此身爲

聖主再賜之身實無日非罪臣自責之日有願難酬犬馬何顏  
復玷鵷鷺迺蒙

矜愚使過之

殊恩仍策勉力學文之後效錄諸廢籍

賞以詞官許從湔雪之新弗棄涓塵之細僥承分外感戀寸中  
幸近

光於九重天上乞恭隨遊

輦之班憶始仕於三十年前彌媿對簪毫之侶

存悔齋集卷五

存悔齋集卷六

臣  
劉鳳誥

經進文

恩賜

御製義利辨墨刻恭謝摺

欽惟我

皇上道徹天人

化光民物

廣仁育以標義正之則

彰君德以勵臣節之防

幾餘垂教咨儆提命至矣切矣大矣備矣

臣

竊惟辨者慎思篤

行之準銘者存理祛欲之鑑典謨三千餘言未嘗明言義利先  
儒推闡心法謂義卽欽也利卽欲也丹書十七銘分析敬怠義  
欲然亦未嘗就利之一字指發私誘物蔽之原至孔孟始舉義  
利兩言對勘互究深切著明茲恭讀

御製辨文示公私之判抉是非之防申損益之宜筦政刑之要  
又荷揭爲

銘辭諄誠有位臣 鹽誦繹思敬體寸心不放暗室不欺之旨直  
舉千古帝王明道聖賢講學之奧蘊昭晰無遺在官守愈惕冰  
淵卽經生亦頓開蒙瞶臣 誠服謹凜惟有律已加嚴勉思言行  
相顧永矢欽感銘刻之忱

恩卹江西南豐廣昌二縣蠲緩錢糧恭謝摺

欽惟我

皇上

仁育羣生惠孚元吉念庶徵而錫福時敘五行敷善政以養民  
交修六府訂恒經於衣食宅爾宅而田爾田調協氣於陰陽風  
人風而雨人雨盈寧其慶勞

宵旰之先憂

懷保孔殷召祥和之翕應惟江鄉之屢歲大有禾書屬建郡之  
上游從無水患邇以連旬霖滯農人興指竦之虞俄聞兩邑谿  
衝渠竇有生魚之勢圩田稍潰顧餘粟以猶贏山漲旋消幸舊  
廬之易葺在偏隅偶逢歲沴仍保生全而

深宮最軫民依亟



有性身卷一  
籌得所

恩施曲逮溢在抱之

仁言數許倍加越循恒之例事卹金務厚爰計口以均霑築室  
從新自棲身之愈固地刷淤沙之積工值兼償耕酬補種之勞  
籽糧有助奚啻移乾就溼都歸若保之

衷從知飯稻羹魚無改屢豐之象凡

洪慈之逾格同再造之難名臣等情繫梓桑心傾葵藿近叨詠

澤糜祿糈以常慚遠服共疇拜

德音而增感詩詠俾多益

勤小民日用飲食之謀易筮說无疆

廣君子稱物平施之量舉仰

天而知戴願獲甘扇景以攸宜敢伏地以攄忱矢刻髓銘肌於  
莫罄

恩卹江西

等縣蠲緩錢糧恭謝摺

欽惟我

皇上元吉有孚

誠求如保

勤祝豐於樂歲擊壤歡同壑

布愷於陽春置郵德徧湖湖帶江襟之地咸守耕畬屈泉流米  
溢之年尙存倚閣吏籌緩賦莫參計部之成規毗效急公敢覲  
言綸之大澤迺荷

周施子惠

俯軫民依闕修和六府之謨

頒寬大十行之詔謂年時瘠薄當挹彼以注茲謂歲月舒長俾  
圖新而舍舊謂去飢而得飽休喫宜加謂負疚而思償追呼母  
迫是以

黃麻甫下展期至十二年之秋白楮停徵聞信逾三千里之遠  
課積贏於居者困滿新糧問藏富以充然貫留宿鏹自此公庭  
不擾唯欣腹果於冬春逋帖空懸總待手胼於春耒頂香盆而  
翹

聖澤先一年騰里社之歌獻羔酒而上民風宜

萬壽溢公堂之慶臣等迹繫朝班歲糜廩祿勉供職守禾屨凜  
餐素之箴寄語鄉閭稅晦放批紅之券蠶澤聽隨陽之雁猶知

納課銜蘆章江游順水之鱗豫計揚帆載稻紬

政經於善養用蓄餘三寬例格以

施仁竿弛索萬願連年之報稔早輸秸總於在官勗敦俗以酬  
恩共矢葵心而奉

上

恩卹江西 等縣蠲緩錢糧恭謝摺

欽惟我

皇上治懋九功

福臻百順

泰元啟籥應時紀於重光

豐屢占穰協年枝於留熟屆

不惟身集卷一  
祈辛之禮重先三日修好時之

齋聽洗甲之音傳快連朝報大軍之

喜歲首闔祥而多祐

天心布澤以彌殷

詔渙頒於十行

恩駢敷於七省惟江右素稱澤國水肥仁者宜禾自昨秋稍歉  
農場地毗連其施粟門無租吏甿有宿春九分之瘠壤全紆八  
縣之疲毗共活詩三百屢易三百戶蠲賦餘胥爲留餘上田弃  
晦下田弃畊籌耦勸使相 殘年臘鼓家家注瓦騰歡新歲

香盆處處迎門祝稔在小民之本分無過力穡服田若

上帝之降康何啻哺嬰得食一銷欠尾勺糜添鬻白之香九數

春頭黏壁換騰黃之字蒙

九重之孚惠叨一再以

申庠謂當東作之興計及西疇之衆支流贛峽萑葉新芽側罨  
盱山犂牛放牧記舊糧之除帖迨今米價無增聞加賑以僉名  
方笑甌蒸又溢一月兩月千村飯熟於茹團極貧次貧萬口春  
迴於梨皺呼火伴把犁趁溼朋來雨笠烟簑看人家上隴燒畚  
法本草芟灰耨山鄉田子之樂便堪幽繪連章春臺

帝世之歌合爲

堯衢增頌者矣

臣

等祿縻

朝序同葵藿之依

太陽身起田間爲枌榆而傳喜信騰新韶之鳧藻

天上膏醲佐下里之魚羹民間食足惟

聖人心補造化兆將叶夫餘九餘三徧寰區額誦

昇平慶已臻於時萬時億

恩卹江西德化等縣展賑給種恭謝摺

欽惟我

皇上化光調幕

福溥熙臺

兆十成則鳳籥環循重九勲而鴻寰砥屬

官韶抒咏朝

天攀職貢之圖王會哀編戴斗續懷柔之錄先六彘之餞臘綬

豐叶兆於

辛壇望三素以迎春

啟淑遄宣夫甲令

十行覃惠同臻東陸之祺八省均禧

特沛西江之澤憶昨

蠲符賜復屢

諏歉戶以行糜方茲涸壤迴耕趨壑淤原而穫稗計通疆之轉  
糴夙裕儲三况

疊詔之原逋頻叨緩二猶復

澤周黎赤預厘興錡之謀候竿青黃較廣賦鍾之數

最疊臣而覈實遙

軫郵詢按戶版以安庸



重申賑問沿村貸種計口程糧拊循併及夫寬鄉振贍兼籌夫  
近邑東菑倣載共承初澤於寅津南峻咨功偕鬯羣生於甲宅  
臣等依

光紫鑿甄

貺青遼泰辰仰注於

丹毫

闕諭連頒於赤縣粉榆蔭社遙志忭於鄉書黍稷摹圖更關心  
於氓業從此以興嗣歲肥仁樂江水之長于焉迄用康年和甘  
卜雨風之順

恩卹山東單縣等處代擬恭謝摺

欽惟我

皇上頤福恒貞

乾行孚惠善修六府養民具訂夫政經蕃敘九疇

念庶備徵乎協氣錫康年爲上瑞歲本屢綏

敷說澤於正秋時惟順應金穰其卜正普天如願之期水滂偶  
逢詎盛世諱言之事屬單邑之一區當豐汛之下注舉隅已僅  
早瞻阜以同遷登岸匪遙適操舟而得濟邇值沙堙痕退柳臥  
幹扶竇涸生魚堵興集雁民方擔薪村尾重葺敝廬或且刈黍  
隴頭薄收舊產忘其爲劬勞安宅相率而補種新畝無彼肥此  
瘠之殊得移溼就漑之樂迺荷

恩言勤恤振偏惟切其身謀

溫諭頻頒量仿更寬其額賦飯占甌溢先權口分以均餐巢覓

枝棲並準工修而給值徧洽夫軍丁莊戶放租之令偕行毋責以歲款年逋催熟之條不事徵停縣牒打門之吏無驚聽異鄉音移粟之鄰又至爭讀騰黃帖下

一人補造化以爲功卽看齧白堰新萬姓快

生成之蒙福總依

仁育疊被

慈施臣等職媿濡鵠力慚縣特枌榆信遠知漑

澤之彌深葵藿心長幸戴

天之自近稽禹貢本無隄字實垂宅土之謨歌周頌乃有般詩宜介翕河之

嘏欣聞

望九旬而策馬觀稼

祝叶登豐願合億萬衆以稱兕獻觥歡同上

壽

恩卹山東

代擬恭謝摺

欽惟我

皇上仁育同民

勤施省歲六修九敘秉厚生利用之經

五福三登符蠲賦免漕之數洽豐亨而共飽以喜隨人時益道而偕行

有孚惠我方幸西成平秩穫普如雲俄聞東土沮洳浮盈於水一州歉告五邑毗連重輕差等難期歛穡之同老弱幾家頓易

饑殍之舊宜亟求乎民瘼早肫厪乎

君心夫周荒有賑議未及於豐年禹憫無餽策豈施於水後今以鳴磬雁澤于野云勞志稔禾書此邦弗徧問蟹舍漁莊之近知麩香飴熟之稀事雖屬於偏隅

恩肯遺夫樂歲爰乃官錢作粥先謀二鬴之供丁口就糧各賦一鍾之粟與民救餒毋令升斗望懸緩汝催租並免公私累迫額徵尾欠停大府之封金衛運旗軍歇連帆之委雪計到來年麥熟倚閣何妨遠殊持節倉開便宜從事凡荷

仁施之周逮恒均美利於

健行戴粒蠟衷沐膏

鴻造

臣

等竊祿官聯發緘鄉信已慚餐素凜河干數什之箴每

讀膳黃重

天語再三之感惟濟克貢書貞賦厥土宅而草絲紀緯蓐月令  
司秋迺隄完而穀聚快被

錫康綏屢巨東西南朔以咸寧欣依

介福戩宜算億秭京垓而無量

恩卹山東

代擬恭謝摺

欽惟我

皇上福懋錫康

誠孚容保殷秋秩序驗月枝留熟之祥函夏臚偷叶年穀綏穰  
之頌

課收成總逾分數喜溢

九重偕樂歲必無隱民籲呼萬一迺以涉介東南之會偶溢黃  
流田惟中下之區稍濡黑壤湖濱徹舍咸知驚徙之安澤畔矜  
人未至鴻碁之甚猶荷十行

詔下迭聞旬日

恩言

申眷此邦丁寧爾吏爲謀果腹先算口以均餉最憫朝飢務迅  
期而起瘠或力難久瞻待普賑以攸加卽心本急輸酌緩征而  
更裕屆茲三登大有幸惟一飽同人無隅向而政乃平有

惠心而吉勿問至夫濁河興畚法當邕彼下游濃露零膏候並  
宜於晚種籌水道之疏洩迫以蒞程償農力之勤劬寬其後望  
皆上頌

旰宵顧慮之殷實共深

天地生成之感臣等業愧帶鋤職虛糜廩久叨

仁飫恒滋後食之慚近被

澤流益仰

博施之量聽輿歌於里社土鼓報豐較庾積於坻京禾書闡瑞  
快觀斗斟西柄八裔驩民事之成長依岱峙東維三祝戴

聖恩之重

恩卹

代擬恭謝摺

欽惟我

皇上敷福大同

懋功時敘



恩均乎惠壤蠲九賦以流膏澤普豐綏歲告三登而其飽倉廩  
裕崇墉之積益厚民生室家樂安堵之常豈知兵事屬莠頑之  
相煽屆秦鄙之連疆義效同仇奮生有勇官軍到處壺漿來境  
上之迎丁戶晏然粒粟免里閭之派方幸助同守望在板屋以  
無驚實由志切馳驅修矛戟而偕作講武事本乘農隙

問軍書最廩

宸衷爲籌四邑之輸將亟下十行之

詔令租繆並覈預

除來歲之徵芻糗兼齋毋取正供之備感漸摩之已久教可卽  
戎佇耕耨之咸安民皆足食臣等業愧帶鋤力慚受甲信聞鄉  
社早勵志以成城凱聽軍郵快銷兵而鑄器從此

仁風西被交騰鼙鼓之歡卽看暖律春回普洽熙臺之喜

代廣西巡撫恭擬

頒賜

御製廓爾喀所貢象馬至京詩以誌事圖刻謝摺

欽惟我

皇上福統馭寰

仁孚育物

天聲徧播千百國恢入版圖

斗極咸歸二萬里駢登職貢恒昭柔遠非勤遠之

訓胥本

耆武致偃武之祥屬廓喀之請降先噶箕之徠覲大

威力得大

歡喜奇收七捷之勲有

成功必有

文章義備

十全之記爰逮

紫光宴渥篚篚會彼虔將泊茲青海途紆象馬觀其後至虞階  
舞集姬旅道通春消雪徹想萬夫決履之藉難路繞蕃城

咨四牡旋車之勞勩感

昊禧之厚錫實惟順序協機篤

耄念之勤施庸迺因詩見志

揭克慎明德之旨鞏德基彌鞏福基

垂不寶遠物之經盡物性由盡人性

立言本規其大作會厥俾以形披來氎飾儼跼伏之熟爛鏤出  
旌繁真絜維之允服臣識慚窺豹質勉策駑拊循象郡叨分飼  
粟之

恩傳送馬人載埃陳庭之喜誦

宸唵而增蹈忭捧

賜刻而謹珍緘竊攷兆豐於竺土飯

如來七寶之光華願廢在廐於雅詩綏

天子萬年之福祿

代廣西巡撫恭擬

頒賜

御製熱河考併識語墨刻謝摺

欽惟我

皇上學匯道源

智融心鑑

祥杓居所天開星拱之區

壽寓同流地應河清之會  
昉灤京之輯志稽武列之稱名  
泉溫上塞近沿石挺之峰境  
關西濛類瀚崑墟之派揆

聖言於觀海重

天子之考文迺復以閱序廿年哀函

三集觚編指數理重

析以求精槎使身經說盡祛夫鑿空阿勒坦驗壁間之黃色噶

達素占天上之極星信必有徵

道惟識大良由

十全拓遠括河渠地理之真源更兼重譯

察言補鄙注桑經之漏義

臣

識窮窺管榮被

賜緘仰

德施之時出直涵造化淵微快

文思之日新悉本

精神充溢奚啻珍披刻玉四表欽

堯煥之章益徵瑞輯演圖九疇廣

禹敷之福

代廣西巡撫恭擬

頌賜福字鹿雉謝摺

伏念臣猥以庸愚叨蒙

渥眷介

萬年之國慶

福備如天闡四德於

宸謨

德施因物跽而受

賜仰以觀

文雲凝翠墨霑來

天上榮光綵絢龍牋捧到日邊春色賸

健行昭於

義畫欽

嚮用敘乃箕疇駢分鼎鬯協

受祿之宜曲逮豐膏溢斟醲之喜是惟

鴻禔攸暨燦

吉祥寶字以均釐更欣珍味得兼拜

賚子恩施而薦熟臣祗邀

申錫倍切寅承心恒勵以酬丹職每慚夫餐素

德之基本之致願勤敷實意於一方物其旨維其偕快其飫

深仁於五內

代黑龍江將軍恭擬

欽頌



御製南苑大閱詩墨刻謝摺

欽惟我

皇上邇治九功

鴻猷七德

帝車斗拱黃圖昭偃伯之祥

宸衛星嚴丹馭陳屬橐之盛猶以風清桐鼓表

軒臺教戰之功允惟氣洽磬簫鬯

虞陛舞干之化

修上儀而肄武

立大政以詰戎

萬乘鸞臨千軍鳧藻維

聖人吉徵豫順動必因時在衆士利協師貞勇先知義沐  
朝廷之養歲糧隨月鏹頻增效世僕之馳驅鳥翼與魚麗俱  
奮仰邀

睿矚肅奉

皇愉稟進止之有程

勗威儀之是力披衲拜

賚敷渥澤以彌霄擁篲聞

詩殷歡聲而動地斯則軍嫻七校蒐田軼岐雅之歌良由

教備四時芟舍邁周官之典臣迹遠邊圻職叨闡寄望

恩光於雲罕愧未預服韃執役之勞繹

鉅製於

奎章如親承振鐸治兵之

訓拊茲東邦勁旅人習舊風捧來

南苑新賢

天垂至教願率忠信甲冑禮義千櫓譜鏡奏而宣六幕之和欣  
偕旆旌徒御芾烏會同慶

獮成而獻

萬年之祝

代吳祭酒師恭擬謝摺

本年丁丑科會試

臣子清賜

中式第三十八名進士恭應

殿試蒙

恩拔置一甲三名旋荷授職編修

臣在籍祇聆

恩命當卽虔設香案叩頭恭謝竊臣曩塵詞苑幸直

禁帷欽

聖教以迪知聞洵國庠而趨講肆夕惕乏駑驅之效

天慈鑒烏哺之私十數年來

九重依切念臣以衰羸在告歲時積戀

闕之忱矧臣子本穉昧無文名第濫句牘之次於科目實爲忝

冒在家門尤溢

寵榮願一生之報稱猶虛復兩世之清華預列義方滋媿

仁育彌長泥首感深捫心悚仄臣亟擬馳赴

宮廷躬申匍叩緣臣久嬰足蹇自揣分微謹瀝誠繕摺寄交臣

字清賜呈請代

奏恭謝

天恩

臣

惟有諄囑

臣子清鵬

勉勤學習益勵進修冀稍酬

聖主造就鴻施於萬一

代戴協揆恭擬

恩授文淵閣大學士謝摺

竊

臣

江右庸材受

恩至渥自嘉慶四年以候補五品京堂仰蒙

皇上特達之知

優加拔擢屢持文枋洊陟卿僚中間載膺

使命出視河渠入司倉庾循政要則素無諳習荷

天慈而倍切

生成遂叨臺長之選尋轉卿階之正凡皆微臣夢想所不及實

賴

上聖誨育之有加誌幸三生銘心五內屬參知之承乏忝

禁密以隨班日踞聆

大經大法之昭宣時繹思

實政實心之布濩恒莫名其欽服祇共效夫趨承方謂駑駘策

力勉圖暮齒之勤詎期鸚鷺聯行

特昇新銜之重頃伏茵而前席聞

寵彌驚預入閣之後塵拜

恩增惕伏念臣起家佔畢奉職迂愚總邀

齋載之涵容未竭涓埃之報稱乃一門之內叔姪同此

殊施且十載以來後先邁茲

榮遇自問極爲僥冒此心何以刻安

臣

益惟敬稟在公感慚非

分矢拙誠於夙夜親

健德於旰宵仰

鴻鈞之鼓物羣雷

大造之裁成洽

壽寓以熙春普被

陽和之煦育

代某恭擬謝摺

竊臣學本疏蕪材真窟陋十年積悔空多未讀之書一介孤寒  
自分長淪之籍重荷

聖慈再造

仁愛曲成拔從草澤之微登在木天之上甫隨班於匝月未圖效於緘塵遽奉

綸音俾遷經局感最深於方寸有生皆

特達之知

恩倍越夫尋常何日遂薄酬之願惟有再三省過敢徒冒官職之榮凡百慎思不但致文章之飾

實錄館覆奏摺

爲遵

旨明白回奏事初七日申刻大學士祿康等傳

皇上諭旨據施杓供稱所有館上情形劉總裁係專辦之員無



不知悉等語著臣明白回奏伏思館上惟有辦書與議敘兩條  
臣所素知總其成於監修專其責於提調臣自開館派充纂修  
逐日到館疊蒙

皇上天恩派充總纂副總裁謹將辦書議敘兩項情形遵

旨分爲兩條據實覆奏

一從前各館修書需用膳錄多由落第之舉貢生監中考取挑  
取與胥役微賤不同凡初到館時止取親身供結迨繕寫時止  
取字畫端楷功課足數並不計其是否本生親筆抑係僱人替  
寫與考試代倩不同至該生等或本來字迹平常或因事偶須  
告假因係官人不容耽誤向來僱人代寫自出筆資既不敢告  
知提調自誤將來議敘考成在提調等亦止就其所交字數核

算功課未便問其出資多少牽涉嫌疑遂亦不問其爲代書何人惟期易於催辦且謄錄遇有更換其所僱之書手仍係原人字畫旣屬整齊而繕寫體例亦俱熟諳此歷來各館辦書實在情形臣到京三十年以來所熟聞者也臣自嘉慶四年充實錄館纂修其時補繕

五朝實錄係咨取鄉會試落第舉子充當謄錄因距四庫館蒞事日久京中召募書手爲難其時提調玉麟張剋期督辦每致功課竭蹶不敷且總裁臣王杰彭元瑞逐日到館查閱正本斥其繕寫不工恐失敬謹之道屢行駁換甚至有整年書駁令換寫罰令賠寫者在總裁惟知責成提調在提調惟知責成謄錄而謄錄多係貧苦書生旣恐誤公又懼賠累不得不出貲僱

倚好手繕寫實屬目覩真情至

實錄館辦書

臣

所未經

臣

從前隨彭元瑞覆閱四庫全書知領

辦者有書頭名目曾問

臣

玉麟卽係清字經館謄錄當日亦聞

領辦者有經頭名目伊等一經受僱領書卽散回繕寫期日本

寬毫無拘束若

實錄館則定例不許攜出禁城每日辰入酉出誰敢遲到早歸  
本館又嚴禁不許炊爨該謄錄書手等勢難枵腹從事偶遇散  
遲卽不能出城回寓別無棲身之所故伊等就近於西華門外  
賃破廟數間藉資食宿在散處城外者皆免出館無依又可期  
明日早到臣因聞有公局之名曾親至其地查閱屬實並嚴諭  
不許容留閒雜人等情弊至書手係謄錄自僱並非官人亦非

於謄錄之外另設書手伊等每日領書交課及隨時扣算字數  
換篇挖補立等付裝苟非熟手承行必至遲延舛錯甚且呼應  
不靈是以該謄錄等自行公舉數人以總其成兼可分催衆謄  
錄書手限時到館委無把持包攬及提調等私派情弊迨五年  
以後施杓長 崑 等陸續接充相沿辦理非但臣所深悉卽  
各總裁均知其辦公無誤並未飭令更張現在  
實錄紅綾黃綾各本六十年并力繕完從來書館未有如此迅  
速之事此辦書之實情也

一議敘事例各館皆於書成時奏請今

高宗純皇帝實錄議敘則自嘉慶六年蒙

皇上特恩諭令每遇纂成二十年之書卽無論年限奏請議敘

一次自纂辦乾隆二十年暨四十年兩次之書俱係於繕成黃綾本一分後臣館卽欽遵

恩例奏請議敘其續繕紅綾尊藏各本字數一概歸併其中並不另請議敘上年臘月屆當六十年暨

訓政三年全書告成據施杓等循例具稿臣查列朝實錄告竣俱於

受書禮成後議敘卽恭屆

皇上受書禮成後賞敘攸關鉅典亦應出自

特恩均非臣下所敢妄請此次止須循例奏明先行懇辭是以臣於底稿內酌改數語又查纂辦

國朝宮史續編併補繕前編一部已於十二月進

呈尙有陳設本六分奉

旨交辦均應接續趕繕誠恐明年三月

實錄慶成後各膳錄人員一邀議敘彼時不能措留適十九日

臣戴衢亨由

南書房交出官史前編六分均須校正又臣記起嘉慶六年彭

元瑞傳

旨交繕天祿琳琅十分亦應一體趨辦令施杓另繕夾片有臣

親筆改稿存據細思此兩分書帙浩繁此項承辦人員本係於  
實錄功課之外詢明情願繕校力能兼顧者方准承辦已於奏  
稿內逐一聲明卷數分數應遵

旨卽行恭繕統計已寫未寫之書通概計算與前兩次

實錄議敘時先成黃綾本一分卽併紅綾本各分通概計算事例相同並不敢稍涉含混其原稿並夾片俱係提調呈各總裁公閱標畫非臣一人敢逞臆見謹另封進

呈至奉

旨賞敘後例由提調核明勞績功課酌分等次經慶桂董誥等提取稿底查閱當卽扣留未畫臣於二十八日在

太廟陪祀聞陳崇本告稱外間有謄錄斂錢之說臣進至

大內卽告知慶桂董誥以提調如敢營私舞弊必當據實嚴叅且

官史非

實錄可比此次奉

旨係照例議敘不應過優儘可開印另辦慶桂等以所聞事關  
贓款囑臣在館密查實據以便公摺叅奏及正月初五日慶桂  
董誥英和到館傳詢謄錄人等並面問陳崇本正在查辦間初  
六日陳崇本先行入告此先後查辦議敘各種情形也以上二  
條臣謹遵

旨據實覆

奏不敢欺飾至臣自初一日卽同曹振鏞到館趕辦畫一事宜  
連日漢謄錄書手等皆因畏法森嚴並無功課臣實萬分焦急  
除提調漢謄錄等有无實在贓據弊端應聽

欽派大臣審擬并將臣等叅處外臣不勝悚懼之至

咨會東撫覆題左子後裔增設五經博士疏



查原議引司馬遷左邱失明一語稱左邱爲複姓無疑其何以單稱左氏史無明文等語按司馬遷史記十二諸侯年表序云魯君子左邱明因孔子史記具論其語成左氏春秋此卽單稱左氏之明文又漢嚴彭祖公羊春秋引古家語觀周篇云孔子與左邱明乘觀書於周史歸而修春秋之經邱明爲之傳觀此邱明二字聯屬益知左邱非複姓又漢書藝文志載左氏傳三十卷序云邱明論本事作傳舉其官曰左氏著其人曰邱明以別公羊穀梁之以私氏冠書者皆爲確據若係複姓何以不並公羊穀梁稱左邱傳而獨以左氏單稱耶原議謂分左邱二姓惟見應劭風俗通義而未著其何以分等語按今本風俗通無分左邱二姓之說古本唯言邱氏魯左邱明後於左氏則無稱

至唐顏師古謂邱明爲魯左史因稱左邱是邱爲邱明本姓左則冠其官於上毋庸別著其所以分之故也原議引元和姓纂左字注稱臨淄有左邱明後以晉左思爲證疑山東者姓左不姓邱按姓纂明云魯有左邱明又分齊臨淄一望而以晉左思爲邱明後此不能舉魯左氏嫡裔輒以齊奪魯姓纂爲唐林寶佚書說多附會似未便執爲姓左不姓邱之據原議引廣韻邱字註稱左邱明後有河南吳興二望疑唐以前其族久徙他郡不在山東又引姓纂稱太公少子封營邱以邱爲氏左傳稱邾大夫有邱弱其受氏皆在邱明前皆不能斷其無後安見此肥城邱氏必出左邱等語按廣韻邱字註左邱明後與風俗通合其收河南一望是拓跋裔無與邱明事其吳興一望風俗通明

云太公封營邱支孫以邱爲氏世居扶風邱俊持節江淮王莽時不仕居吳興是吳興一望爲邱明後正與廣韻合若疑其不在山東則邱氏族非一人旣未便以後來苗裔之分遽斷其始初本支之絕且山東爲聖賢桑梓各裔繁多何獨於邱明墓之在肥城疑其無居故土守先墓者况我

朝定例關氏博士三人以居江陵者爲是而居解州及洛陽者亦未嘗無人朱氏博士二人以居婺源者爲是而居建安者又未嘗無人據此則肥城邱氏更不得指爲非邱明後人也通考書傳作左傳之左邱明無單姓左複姓左邱之理其曰姓左說始於唐姓左邱說始於宋取證宜從最古似不如據史漢所稱爲最先最確至原議稱現今肥城邱氏族譜可疑處甚多所錄

文不合格詩不諧律等語查邱氏所刊左傳精舍誌或由子孫  
舛陋不文粉飾家乘圖美觀聽亦流俗常情要其世系流傳豈  
能杜撰卽如誌邱明墓者說各不同斷以魏書地形志元和郡  
縣志太平寰宇記及水經汶水篇方知其肥城爲最確以聚  
族之多依墓之久該族人前此并不知有博士之請何所見而  
預造一宗譜以爲今日求立博士之助乎是採其譜誌爲世次  
之據以見先賢之遺澤未湮似無可深疑者原議又稱儻難斷  
其必是必非則疑以傳疑仍照乾隆十六年給以奉祀生等語  
伏查乾隆年議給奉祀原非傳疑儻果有可疑斷無濫准他族  
淆紊先賢宗祀之理再查我

朝立周公後爲博士時祇有姬氏籍隸咸陽至曲阜之東野氏

不見於古籍因其家有確據遂據而立之况邱明之祠墓後人無可僞託似應將其七十三代孫邱明善再爲疏請仰懇

皇上天恩敕部覆加核議仍准增設五經博士援据古書之確證俾膺世守之褒榮庶於公議所繫名器所關兩無遺議矣